

UCAPAN ALUAN
YBHG PROF. DATUK DR. SHAHRIN BIN SAHIB
NAIB CANSELOR UTeM

MoU JAKIM (DARUL QURAN) - UTeM

23 Mei 2017, 2.00 petang

Dewab Aras 2, Blok B, JAKIM, Kompleks Islam Putrajaya

Bismillah Hirrahan Nirrahim

Assalamualaikum Warahmatullahi Taala Wabarakatuh

Y.B. Senator Dato' Dr. Asyraf Wajdi bin Dato' Dusuki

Timbalan Menteri di Jabatan Perdana Menteri

Y.Bhg. Tan Sri Dato' Haji Othman bin Mustapha

Ketua Pengarah Jabatan Kemajian Islam Malaysia

Y.Bhg. Dato' Sri Zaleha binti Kamaruddin

Rektor Universiti Islam Antarabangsa Malaysia

Tuan-Tuan, Puan-Puan, hadirin dan hadirat sekalian

PENGENALAN

1. Alhamdulillah, setinggi-tinggi kesyukuran dipanjatkan ke hadrat Allah SWT yang telah mengizinkan kita untuk berhimpun di Dewan JAKIM, Kompleks Islam Putrajaya pada petang yang indah ini.
2. Di kesempatan ini, saya ingin mengucapkan setinggi-tinggi penghargaan dan terima kasih kepada Y.B. Timbalan Menteri Jabatan Perdana Menteri dan Y.Bhg. Ketua Pengarah JAKIM di atas kesudian menerima UTeM untuk memeterai Memorandum Persefahaman (MoU) pada hari ini. Sebagai makluman, MoU yang bakal dimeterai ini adalah yang julung kalinya diadakan bersama

JAKIM menerusi Darul Quran bagi tempoh 5 tahun sehingga tahun 2021.

ISI KANDUNGAN

Hadirin dan Hadirat sekalian,

3. UTeM merupakan universiti awam yang berfokus kepada bidang teknikal yang pertama di Malaysia yang melaksanakan pendekatan pengajaran dan pembelajaran berorientasikan aplikasi dan amalan yang menepati kehendak pasaran dan dapat memberi nilai tambah kepada pelajar.
4. Dalam memenuhi cabaran pendidikan tinggi semasa, UTeM bukan sahaja mengendalikan program akademik di dalam bidang

kejuruteraan, teknologi kejuruteraan, ICT, dan pengurusan teknologi, malah turut menitikberatkan ilmu ukhrawi dan pembangunan insan menerusi subjek kokurikulum yang ditawarkan oleh Pusat Bahasa dan Pembangunan Insan (PBPI).

5. Antara subjek kokurikulum tersebut adalah seperti Tahsin Al-Quran, Pengurusan Perubatan Islam, Fiqh Amali, Fiqh Muamalat dan Aplikasi Falak dalam Ibadah. Sebagai makluman bersama, UTeM juga sedang dalam proses untuk memeterai Memorandum Persefahaman bersama Kompleks Falak Al-Khawarizmi Sdn. Bhd. (KFAK) dan Jabatan Mufti Negeri Melaka (JMNM) bagi menyokong pembelajaran subjek Falak ini.

6. Dalam mengembangkan lagi ilmu sepanjang zaman ini, UTeM menerusi PBPI telah melaksanakan perbincangan bersama Darul Quran, yang akhirnya sepakat dan bersetuju untuk menjalinkan kerjasama dan menawarkan program Tahfiz Al-Quran.
7. Alhamdulillah, program ini telah berjaya dilaksanakan bermula Semester 1 sesi 2016/2017 dengan penglibatan pelajar perintis seramai 19 orang pelajar. Alhamdulillah, pelajar-pelajar ini menunjukkan kemajuan yang amat membanggakan dan pada masa ini seramai 8 orang pelajar telahpun menghabiskan silibus pengajian di semester pertama, dan akan ke semester seterusnya.

PENUTUP

Hadirin dan Hadirat sekalian,

8. Saya yakin, melalui kerjasama strategik bersama Darul Quran, JAKIM ini dapat melahirkan graduan yang lebih kompeten, berkualiti tinggi serta membentuk generasi cintakan Al-Quran yang bertaqwa yang akhirnya akan memberi kebaikan terhadap pembangunan negara dan ummah.
9. Ianya secara tidak langsung dapat menyokong aspirasi Kementerian Pendidikan Tinggi untuk melahirkan graduan yang seimbang dalam segala aspek keperluan, sekali gus merealisasikan hasrat UTeM dan JAKIM sendiri.

Merah kuning si rama-rama;
Terbang tinggi ke sana sini,
MoU terjalin usaha bersama,
Membentuk generasi kasih qurani.

Sekian, Wabillahitaufik Walhidayah Wassalamualaikum Warahmatullahi
Wabarakatuh.